



Nuuk, 9. juli 2012

Inatsisartut Suleriaasianni § 37 naapertorlugu matumuuna imaattumik Naalakkersuisunut apeqquteqarpunga.

- 1) **Inatsisartut 2011-mi ukiakkut ataatsimiinneranni oqaluuserisassatut siunnersuutigaara Naalaaffiit Peqatgiit innarluuteqartunut pisinnaatitaaffii pillugit isumaqa-tigiisummut nunatta inissisimanagera pillugu 2012-i naatinnagu nalunaarusiortoqassassoq. Naalakkersuisullu akissuteqaatiminni tamanna ilalerpaat. Taamaattumillu apererusuppunga suliaq tamanna sumut killinnersoq?**
  
- 2) **2012-umi ukiakkut ataatsimiinnermi isumaqatigiissutip akuersaarneqarnissaanut Inatsisartuni aalajangiuassatut siunnersuummik saqqummiussinissamik Naalakkersuisut pilersaaruteqartut, Naalakkersuisup akissuteqaatimini paasissutissiissutigaa. Taamaamat apeqqutigerusuppara ukiamut Inatsisartut ataatsimiinnissaannut naatsorsuutigineqassanersoq Naalakkersuisut tamanna pillugu saqqummiussaqaqarumaarnersut? Saqqummiussisoqassappallu qanoq imaqassanersoq paaserusuppara.**
  
- 3) **Inatsisartunut oqaluuserisassaanut siunnersuutigisimasamma oqaluuserinngi-laataani paasinarsivoq Naalagaaffiit Peqatigiit innarluutillit pillugit isumaqatigiissutaat kukkunikkut qallunaat naalagaaffiata nunatsinnut ilisimangisatsinnik atuuttussanngortissimagaa. Tamannamita Naalakkersuisut Inatsisartunit oqaluu-serineqareernerata kingornatigut qanoq iliuseqarfigisimavaat?**
  
- 4) **Naalakkersuisut pilersaaruteqarpat nunatsinni innarluuteqartut pisinnaatitaaffiinut naleqquttumik ukiuni tullinnguuttuni inatsisigut nutarsaanissamut? Nutarsaanissamullu siunniussisoqarsimappat suut Naalakkersuisunit eqqarsaataappat?**

## **5) Naalackersuisut pilersaaruteqarpat inunnut assigiinngisitsinnginnissamik inatsimmik innarluutilinnut iluaqutaasussamik inatsisiliornissaminnut?**

### **Tungavilersuut :**

Ilisimareerparput nunatsinni innarluutilittatta ullumikkut inuiaqatigiinni inissisimanagerat pitsaanerujussuusariaqartoq. Taamaattumillu ukiuni tullinnguuttuni politikikkikut innarluutilittatta inissisimanagerat pillugu annertunerusumik isumanga malullugu eqeersimaartoqartariaqarpoq. Tamannalumi siunertaralugu Inatsisartut ukiakkut ataatsimiinneranni 2011-mi pisumi oqaluuserisassanngortitsisimavunga.

Naalagaaffiit peqatigiit innarluutilit pillugit isumaqatigiissutaat qallunaat naalagaaffiata ilisimatinnata nunatsinnut atuuttussanngortissimasaa nunatsinnit qanoq iliuuseqarfigineqartariaqarpoq. Minnerpaamik isumaqarama naalagaaffik nunatsinnut ilisimatitsinani atuuttussanngortitsisimasoq innarluutilittatta atugarisaanut pitsanngorsaannissamut pilliuteqartariaqartoq.

Tamannalu pillugu Naalackersiusunut apeqqutigerusuppara danskit oqartussaasui Naalackersuisunit kukkuneq pillugu oqaloqatigiittoqarsimansoq. Tassami pisariaqarpoq nunatta ersarissumik innarluutilit atugarisaannut pitsanngorsaannissamut piumassuseqarnissaa, taamaattumillu aqutsinikkut tamanna tunuarsimaarfigineqanngittoq nunatta oqartussaasuisa qallunaat naalagaaffianut oqariartuutigiuartariaqarpaa. Taamaattumillu naalagaaffimmut suleqateqarnerup uunga apeqqummut tunngatillugu qanoq inissisimanagera aamma paaserusuppara.

Taamatutaaq apeqqutigaa Naalackersuisut inatsisitigut innarluutilit atugarisaanut attuumassuteqartunit allanngortitsilersaarnersut. Tassunga ilaatippara inunnik assigiinngisitsinnginnissamut inatsimmik naalackersuisut pilersaaruteqarnerisut. Tassami isumaqarama inatsisilornermi sutigut tamatigut inunnik pingaartumillu innarluuteqartunik assigiinngisitsinnginnissaq aamma pingaartutut ilaatinneqarluni inatsisiliortoqartariaqartoq.